

Май
- 1928 -

Число 5.
Рочн. VIII.

ЗМѢСТЬ:
Свято Александра Духно-
вича.
Въ Мексику.
Изъ исторіи церкви.
Изъ житя святыхъ.
Житя св. маловъ Терезії.
Місячное намѣреніе на
місяцъ Май.
Вечерня ієспінь.
Лописи.
Новости.
Короткія історіи.
Перенески редакцій.
Ось адміністрації.

СВІДЧИМЧ ІОСАФАТ ЧОРВАТ

КНИГОПЕЧАТНЯ И ВЫДЛІНІЦТВО ЧІПЛ СВ. ВАСИЛІЯ В. ВЪ УЖГОРОДЪ

РЕДАКЦІЯ И АДМІНІСТРАЦІЯ ВЪ УЖГОРОДЪ, УЛИЦЯ РАКОВЦЯ Ч. 54.

Выдавництво Чина св. Василія Великого въ Ужгородѣ

поручає слѣдуючѣ книжки своєго изданія:

Молитвенникъ для греко-кафолицкого русскаго народа.
Составилъ о. Петро Котовичъ ЧСВВ. стор. 507. Изд. II.

Содержаніе сеѧ книжки: Короткій катехизмъ; Молитвы повседневніи; Молитвы утреніи, Молитвы вечерніи, Молитвы подчасъ Службы Божої, Приготовленіе до св. Сповѣди, Молитвы передъ и по Сповѣди, Молитвы передъ и по св. Причастію, Молитвы до пресв. Сердца Іисусового, Молитвы до Пречистої Дѣви Марії, Молитвы до святыхъ. Чинъ Утрени, Божественная Литургія, Чинъ Вечерни. Акафистъ до І. Христа, Акафистъ до Преч. Дѣвы Марії, Тропари воскресніи и повседневніи, Служба на всякое прошеніе, о усопшихъ, Тропари и Кондаки св. Четыредесятницы, Пятьдесятницы и всѣхъ праздниковъ декретальныхъ. Кромѣ сего е: Пѣснь на Рождество Христово, Пѣснь въ честь св. Тройцѣ, Пѣснь въ честь Преч. Дѣвы и св. отца Николая, Пѣснь благодарственная, Календарь цѣлого року и Пасхалия.

Въ красномъ полотняномъ переплете 8 Кч., съ почт. засылкою 8·80 Кч.

Да святится Имя Твое. Молитвословъ для молодежи. Стор. 232. Печатаный окремъшно рускими а окремъшно латин. буквами. Содержаніе: Короткій катехизмъ. Молитвы повседневніи, утренніи, вечерніи, подчасъ Службы Божої, передъ и по сповѣди, передъ и по св. Причастію, до Пресв. Сердца Іисуса. до Преч. Дѣвы Маріи и до св. Іосифа; Чинъ Вечерни, Утрени, Божественна Литургія, Тропари и Кондаки воскресни, на всякое прошеніе и о усопшихъ; Пѣснь на Рождество Христово, въ честь Пресв. Тройцѣ, къ Пресв. Дѣвѣ Маріи и въ честь св. Отца Николая.

Оправленій коштує 4 Кч., зъ почтовою засылкою 4·60 Кч.

Молебень къ Святѣшому Сердцу Іисуса и къ Пр. Дѣвѣ Марії. Содержить кромѣ двохъ молебновъ, дасколько пѣсней къ Пресв. Сердцу Іисуса и Преч. Дѣвѣ Марії и Пѣснь благальну (супликацію). Печатана окремо рускими, а окремо латинскими буквами. Стор. 44. Стоитъ 80 гел., зъ почтою 1 Кч.

Найсвятѣшое Сердце Спасителя. Коротка наука для членовъ общества Святѣшаго Сердца Г. Іисуса Христа. Сторонъ 64. Содержаніе: Исторія набожности до Пресв. Сердца Іисуса и ласки, которыя Іисусъ пріобѣдѧвъ почитателямъ Пресв. Сердца. Повинности для членовъ сего общества. Дасколько молитовъ къ Пресв. Сердцу Іисуса. Молебень къ Пресв. Сердцу Іисуса. Пѣсня благальная (супликація). Золота корунка къ П. С. Іисуса. Дасколько пѣсней къ П. С. Іисуса. Прочто почитаеме П. Сердце Іисуса? Печатана окремо рускою, а окремо латинською азбукою.

Стоитъ 1·50 Кч., съ почтовою засылкою 1·70 Кч.

Популярнѣ катехитичнѣ проповѣди для католицкого народа. Часть I. Про вѣру. Часть II. Про надію и любовь. Кожда часть творить окрему книжку. Темы проповѣдей дуже актуальнѣ.

Цѣна по 20 Кч. за одинъ прим., зъ почтою по 21·80 Кч.

Стойте въ вѣрѣ. Листъ I. Про походженя св. Духа отъ Отца и Сына, стор. 7. Листъ II. Оборона чести П. Дѣвы Маріи, стор. 7. Цѣна обохъ брошуръ разомъ 60 гел., зъ почт. засылкою 80 гел.

„Путь Спасенія“ (Св. Миссія въ образахъ). Ся прекрасна книга повинна быти въ каждой хижѣ. Въ ней суть науки о майважнѣйшихъ рѣчахъ для спасенія души. Прикрашена сколько 40 обрамами. Стоить лемъ 4 Кч., зъ почтою 4·60 Кч.

БЛАГОВѢСТНИКЪ

ДУХОВНА ГАЗЕТА ДЛЯ ПОДКАРПАТ. РУСИНОВЪ

Редакція, адміністрація, експед.:
Выдавництво Чина св. Василія В.
въ Ужгородѣ, Раковція ул. ч. 54.

Май
1928

Предплата на цѣльй рокъ 10 Кч.;
за границею 17 Кч.; до Америки
поль дол. — Одно число 1 Кч.

Число
5.

ВЫХОДИТЬ 1-ГО КОЖДОГО МѢСЯЦЯ
Отвѣчат. редакторъ: о. Емиліянъ Бокшай

Рочникъ
VIII.

Свято Александра Духновича.

КОЖДЫЙ справедливый чоловѣкъ на Подк. Руси знає, что у насъ культура, житя народное и взагалъ цѣла наша исторія зачалася тогды, коли нашъ предки оставили схизму и ступили на соединеніе зъ хр. каѳ. Церковію. Одъ того часу почали нашъ священики лѣпше занимatisя зъ народомъ, развивали нашъ народный языкъ и працювали надъ культурнымъ и матеріальnymъ поднесеньемъ народа.

Изъ тыхъ священиковъ, котрѣ такъ цѣлое свое житя жертовали народови, першій бывъ о. Александръ Духновичъ, кого 125 лѣтное уродженя праздновала Подк. Русь 24-го апр. сего року.

О. Ал. Духновичъ щиро любивъ свою гр.-каѳ. вѣру и свой народъ. Всѣ его творы, поемы перенятѣ суть горячою любовію до своеї вѣры и до своего народа. Ему страшно болѣло, что народъ такій непросвѣщений и заосталый, видѣвъ его глубоку побожность, але и то, что его вѣра не доста свѣдома и зрозумѣла. Зато написавъ Молитвенникъ: „Хлѣбъ души,” въ котромъ подає молитвы понятнѣ и народнымъ языкомъ писанѣ, чтобы народъ и розумѣвъ, что молиться. Болѣло ему, что народъ неграмотный и написавъ Азбуку, чтобы народъ учився своего родного языка. Болѣло ему, что руській народъ и интеллигенція забыває по руськи и перебирає мадярску бесѣду, зато написавъ красиѣ стихотвореня, чимъ збудовавъ народну свѣдомость, чтобы „не забыли о своемъ“. Онъ въ тихъ тяжкихъ часахъ ставъ пророкомъ и учителемъ Подк. руського народа и громкимъ голосомъ напоминавъ народъ до вѣрности до своеї вѣры и національности.

Слѣдомъ сего нашего великана, пойшли и другѣ гр. каѳ. священики. Наша литература до революціѣ числить 14 поетовъ и народныхъ будительовъ. И сѣ бывали майже выключно всѣ священики. [Лише двое были свѣтскѣ особы.] Такъ, что мы христіяне и гр. каѳ. русины гордо можеме сказать схизматикамъ и всякого рода ворогамъ нашоѣ вѣры, что на культурѣ Подк. Руси въ першой мѣрѣ працевали нашѣ гр. каѳ. руськѣ священики! До революціѣ кто устроювавъ школы, чтобы народъ здѣлати грамотнымъ? Лише наша Церковь! 400 церковныхъ школъ мали мы, въ которыхъ учили на руську азбуку и кормили насъ руською культурою! Держава лише въ найновѣйшихъ часахъ подумала основати школы и тѣ школы были твердынями не руськоѣ, але мадярскоѣ культуры!

На жаль одна часть народа одвернулася одъ сихъ щирыхъ працевниковъ народа, одъ сихъ пророковъ и повернулася до фальшивыхъ. Если бы Духновичъ днесь живъ, громкимъ голосомъ закричавъ бы на сихъ одступниковъ, котрѣ „забыли о своемъ“ и набрали на себе чужое ярмо, хотя знаютъ, что „чужое у насъ не устоить“. Плакавъ бы надъ слѣпотою народа, котрый оставивъ источника чистоѣ воды и пье изъ брудноѣ и каламутноѣ воды ереси и схизмы.

Народе и сыне Духновича, послухай голосу твоего пророка и вертайся назадъ до вѣры твоихъ отцовъ, бо пропадешъ и слѣду за собою не будешъ мати!

Въ Мексику.

Два молодяки размовляють на улиці...

— Знаешь, что нового? Прийшли артисты театра „Calles“ и днесь вечеръ мають першій свой выступъ. Самѣ перворяднѣ силы, славнѣ по цѣлому свѣту! Можешь собѣ представити, якъ красно будуть днесь грati, коли первый разъ выступаютъ, чтобы позыскати симпатію публики. Уже теперъ зворушений цѣлый городъ, всѣ спѣшать до театру, чтобы обезпечити собѣ картки на вечерное представленя. Пойдѣмъ и мы, се варта попозирати.

Але другій молодець не звертавъ уваги на сѣ слова; видно, не дуже порушало его великое захопленя товариша, и лише тоды заговоривъ до темы, коли сей кинувъ на него цѣлу струю вопросовъ.

Ты не прийдешь подивитися? Тебе такѣ дѣла не интересують? Се не буде якасъ звичайна комедія, але виступъ свѣтослав-

ныхъ артистовъ! И лише за короткій часъ будуть въ городѣ, зато — видиши — якъ тискаються люде, чтобы достатися до театру. И правду мають, такого не все можно видѣти. О якъ бы любивъ и я тамъ быти! Идѣмъ Іосифе, я бы такъ радъ днесъ вечеръ въ театрѣ быти.

— Я не иду — каже другій рѣшучо, не иду, бо гдекотрѣ точки программы не суть зовсѣмъ беззакиднѣ односно моральности. Я сповѣдався минулого мѣсяця, а мой духовный отець обовязавъ менѣ обходить всякѣ нагоды ведучѣ до грѣхопаденія. Казавъ: утѣкайме одѣ грѣшныхъ нагодъ, якъ одѣ огня, чтобы не попалити нѣвинность нашоѣ душѣ. И держуся до сего и до театру не пойду!

— Но, но, не будь такій односторонній супротивъ театра и не суди такъ остро — каже другій — тадъ не буде тамъничо противъ вѣры и моральности! Модернымъ быти то еще не значить, быти неморальнымъ; мы маеме поступати зъ часомъ, а не зостати зъ заду!

— Послухай лише мене — каже Іосифъ — я знаю, что тамъ не будуть выступати выразно и явно противъ Бога, лише такъ скрыто; отрову загортають въ краснѣ слова и такъ завдають публицѣ. А отрова зробить свое; помало, поволи знищить вѣру, убье въ чоловѣцѣ соромъ и встыдливость и настроюче чоловѣка противъ всего, что е святое, взнеслое и благородное.

Ей, не говори уже только! Я уже не дѣтвакъ, а ты такожь нѣтъ; ми знаеме розличити доброе одѣ злого. Процѣдеме брудъ, якъ процѣдиться молоко черезъ цѣдилку и такъ не може намъ пошкодити и нынѣшное театральное представлея.

— Я иншакъ суджу дѣло. Покусы треба оминати: Кто глядае небезпеку, той упаде въ ню. Наша натура уже така, что дуже склонна до грѣха и геть треба уважати, чтобы не впасти въ грѣхъ. А нарочно глядати небезпеки и себе выставити покусамъ, то е грѣхъ.

— Иди, не проповѣдуй менѣ! Я не хочу грѣшити и не буду. Я емъ такожь членомъ Марійскоѣ Конгрегаціѣ, сповѣдався не давно, але и то знаю, что вѣра не заказує ходити до театру, головно коли представляють якусь свѣтославну пьесу. А днесъ якразъ такое одбывається. Цѣлый городъ зацѣкавленый, якъ будуть сѣ новѣ артисты грati и на мою думку вдоволяти цѣкавости, то еще не е грѣхъ. И я іншого не хочу. Противъ вѣры и Божихъ заповѣдей не хочу грѣшити и симъ дѣло скончено.

Видиши — каже Іосифъ — что ты не знаешь, что цѣкавость е жереломъ всякихъ грѣховъ. Нашъ праородителъ такожъ про цѣкавость утратили рай и царство небесное. Богъ имъ приказавъ зъ одного дерева не ъсти; не якбы на томъ деревѣ были бы лѣпшѣ овочѣ, якъ на другихъ, лише для пробы, ци послушнѣ нашъ праородителъ, было имъ заказано ъсти зъ того дерева. Але Ева дуже любопытна, цѣкава была и скочила у грѣхъ. Грѣхъ все починаєся покусою; се с якась думка, або якесь желаніе грѣшное; до сего приступить згода волѣ и готовый е грѣхъ.

Оба замовкли. Въ душѣ признали оба, что дѣло такъ стоить; цѣкавый молодецъ переконався, что тѣ модернѣ представлення въ

театръ и кинѣ зъ большоѣ части суть шкодливѣ для духовного житя; они суть нагодами до грѣха, одѣ якихъ треба вароватися, бо ишакъ упаде чоловѣкъ въ грѣхъ.

Дорога вела ихъ коло церкви.

Зайдѣмъ до церкви, каже Іосифъ. Се больше стоить, якъ до театру пойти. Чтобы наша кождодневна праця успѣшна была, потребуеме Божоѣ помочи и Его ласки.

И зайдли. И клякнули передъ престоломъ св. Іосифа и горячо помолилися, просячи его срятное заступництво у его выхованця, Іисуса Христа...

Пройшла четверть година въ тихой молитвѣ. Оба молодцѣ оросили душу свою въ благодати приплывающей зъ престола, где день и ночь перебыває Христосъ въ найсв. Евхаристії. И зробили крѣпку постанову: прилѣплятися до послѣдноѣ капки крови до Христа. И выйшли на улицю.

Ізъ лица обохъ сяявъ святый блескъ супокою и радости сердца. Пересвѣдчилися, что одна капка изъ ласки и благодати Божоѣ е большимъ скаромъ, якъ всѣ радости и потѣхи цѣлого свѣта. Бо престолъ е источникомъ чистыхъ радостей, жилище правдивого блаженства, вступъ до него е вольный для каждого, церковь отворена для каждого и найти може тамъ таку утѣху, яку лише може сердце чоловѣка зносити.

* * *

На улиці котилася товпа демонструючихъ людей, уличники згромадилися и прославляли „Calles“-а, кто выдавъ цѣлый рядъ розпоряженій противъ Церкви, вѣры и духовенства. Кричали, гойкали противъ всего, что въ очахъ сихъ двохъ молодыхъ людей было святое и дорогое. Непріятно ударяли сѣ дикѣ голосы до сердецъ двохъ молодыхъ людей; тамъ въ церкви прославленіе Бога, туй на улицѣ наибoльша зневага, туды ходять люде, чтобы поклонялися Ему, а туй безчестити, прибити на крестъ. Крестъ уже готовый бывъ, терняный вѣнецъ сплетеный, лише самъ Христосъ хибѣвъ, кого любили были не разъ але сторазъ роснятіи на крестѣ. И якъ Его уже не могли, лютость ихъ зверталася противъ тыхъ, котрѣ умоляютъ и почитаютъ Христа; противъ епископовъ, священиковъ, противъ пастырей стада Христового, чтобы убити пастырей и стадо само ся розыйде; знищити все то, что пригадае на Христа, спустошиши христіянъ-католиковъ, чтобы стали добычею безвѣрія, неморальности и такъ сѣмя ихъ выгубилося на цѣломъ свѣтѣ...

Хлопцѣ нашѣ спокойно ишли супротивъ товпы. Подумали, чому люде такъ ненавидять Христа? Коли онъ такій добрый до людеi, такъ любить кождого. О нещастнѣ, нещастнѣ! Мѣсто того, чтобы приступити до Него, звертаються противъ Него слѣпою ненавистю; лише ненависти треба имъ, ненависти, что уже туй на земли причиняе пекло межи людьми.

Зострѣчаються. Хочутъ обойти на бокъ, але не можъ; уличники примушують ихъ, чтобы зъ ними въедно прославляли „Calles“-а.

и другихъ безкожныхъ державныхъ мужовъ, котръ такъ смѣливъ борцъ безбожныхъ думокъ...

Молодцъ здрогнули. Якъ? Одъ Христа идеме, наповнилися ласкою Его доброты, а теперь маеме Его розпяти? Нѣтъ, николи, николи не будеме славити Юдовъ, Пилатовъ и Антихристовъ.

Іосифъ спокойно, але рѣшучо каже уличникамъ:

— Я христіянишь-католикъ. Другій додає: я такожъ!

Загучала товпа:

— Сесь католики, выхованцъ поповъ, убійте ихъ! Съ вороги державѣ, правительству и законамъ! Бийте ихъ!

По сихъ крикахъ слѣдовали дѣла: лѣтали кам'яня и обое тамъ лежали на улиці и текла ихъ мученицка кровь...

Товпа уличниковъ велиkimъ крикомъ, реготомъ, лайками поступала дале. Лишили исповѣдниковъ въ крови; еще молодцѣ были, не варта ихъ убити...

А они въ якійсь часъ встали, зайшли въ одень дворъ и обмывали свої раны. Подивилися одень на другого, погляди ихъ стрѣчалися, не плачутъ, противно одъ свѣдомости, одъ святої гордости блещать ихъ очи...

— Не болить?

— Нѣтъ.

Чувствують, что терплять за Христа изъ любви; а любовь терпелива, не нарѣкае, зносить все спокойно, зато такъ мовчаливъ, тихъ...

Іосифъ першій разъ забере голосъ:

— Видишъ якъ добре, что не пошовъ єсъ до театру. А тебе такъ кортѣло пойти! Може и ты замѣшався бывъ бы въ товпу, выходячи изъ театру, и ты бы бывъ демонстровавъ противъ Христа въедно зъ Юдами. Такъ, на се бы были наклонили тебе тѣ представленя неморальнѣ, бо природа чоловѣка скоро подається злымъ вплывамъ. Але мы въ церкви были, въ близкості Бога наповнилисъmesя благородными думками и перенялися добротою найсолодшого Сердця Іисуса, кто пожертвовавъ себе за нась на крестѣ и сю жертву продовжаетъ св. службѣ Божїї кожного дня. И зато не болить намъ рана, бо чуеме, что терпиме за Него изъ любви.

Товаришъ поглянувъ на Іосифа благодарно, кто его научавъ на добре и лише только сказавъ:

— Дякую тобѣ, что научивъ мене на се, теперь чуюся щастливымъ и уже не болять ми раны...

* * *

Въ Мексику такъ часы переживали христіяне, якъ колись въ римской имперіи подъ Нерономъ. Число мучениковъ зъ дня на день росло. Кровь мучениківъ не то что не одстрашила прочихъ христіянъ, але уболяла ихъ решість и дали имъ крѣпость выдержати въ переслѣданю. Іосифъ и его товаришъ кожный день мали нагоду видѣти мученя и смерть христіянъ. Захопило и ихъ желаня терпѣти и умерти за Христову вѣру. Постоянно занималися зъ Христомъ, зъ нимъ жили, зъ нимъ говорили, часто націвляли церковь, сповѣ-

далися и причащалися, укрепляли свою душу, чтобы были доста твердъ, коли прійде часъ исповѣдати вѣру передъ катами. Выбрали собѣ за патрона св. Тerezку, кто такожь дуже любила Христа и просили еї, чтобы выпросила для нихъ таку велику любовь, якою односилася и она супротивъ Іисуса.

Молодцъ якбы почули, что сѣ чрезвычайнѣ часы пожадаютъ одъ нихъ чрезвычайнѣ дѣла. Были они еще властиво дѣльми, але въ сердцахъ ихъ жила душа и смѣлость дорослыхъ мужовъ. Рѣшили нащивляти фамиліѣ мучениковъ и утѣшати ихъ въ смутныхъ дняхъ. Промовляли до вдовиць и сиротъ мучениковъ такъ сердечно, такъ переконуючи, что сѣ не творилися дальше своею великою утратою, але радовалися тому, что ихъ свояки могли терпѣти за Христа и достати вѣнецъ мучеництва. И не лише словомъ, але дѣломъ старалися загоити ихъ раны. Збирали мылостыню для нихъ и се робили такъ успѣшно, что въ короткій часъ зобрали значну суму для подпомоги бѣдныхъ христіянъ. Вдовицѣ, сироты, старцѣ благословляли ихъ, але вороги христіянства кривымъ окомъ дивилися на ихъ дѣятельность и лише чекали нагоди, чтобы ихъ погубити.

Поставили ихъ передъ судъ и обвиняли ихъ тымъ, что союзъ тримаютъ зъ ворогами републики, приготовляютъ револуцію и замовилися на смерть президента и пр. За сякѣ порожнѣ обвины были и другѣ христіяне заскарженѣ и осужденѣ на смерть.

Юноши рѣшучо одкинули сѣ обжалованя и провини и явно высказали, что добрый христіянинъ не може никому ити противъ житя. Але подчерковали и то, что законамъ, выданымъ противъ Христової Церкви, не могутъ повиноватися, бо св. Писаніе учить: скорше трсба повиноватися Богови, нежели чоловѣкови. Имъ Христосъ больше стоить, якъ „Calles“, бо онъ е царемъ сердецъ; Онъ е одинокимъ законодавцемъ, кому каждый повиноватися мусить, але президентови лише въ томъ, что не противляєся Божимъ заповѣдямъ.

И се доста было, чтобы осудили ихъ. Не повинуються законамъ державы, отже бунтовники. На основѣ сего, почали позывати христіянъ-католиковъ до суду, обвиняючи ихъ, что приготовляютъ револуцію противъ державы, отже повиннѣ умерти. И такъ пойшли цѣлѣ массы христіянъ на смерть за вѣру, за Христа Царя...

Ся судьба постигла и нашихъ двохъ молодцовъ...

Передъ смертю указали неустрашиму хоробрость такъ, что самѣ вояки задивовалися. Якесь взнеслое почутя рѣшучости и одваги наповнило ихъ сердца, якъ колись сердца мучениковъ... Не боялися смерти, уже привики до неї, малі нагоду видѣти, якъ смѣло и одважно умераютъ ихъ товаришѣ, знакомѣ, за вѣру. Передъ смертю здалося имъ, что видять Христа, на головѣ зъ вѣнцемъ, якъ приводивъ его Пилатъ передъ народъ, одѣтого въ багряницю, въ рукахъ зъ тростиною... Христосъ терпѣвъ лагодно и спокойно принимавъ смерть. Ся спокойность заохотила ихъ, якбы своимъ поглядомъ осмѣяла ихъ, чтобы ся не бояли, бо онъ зъ ними буде, онъ не оставитъ ихъ якъ, не оставивъ въ житю, такъ не оставить ихъ и въ смерти.

Якоесь невысказанное почутя, туга мучениковъ, святое желаніе умерти за Христа пановало въ сердцяхъ. Одплачовати Христови, за то, что онъ умеръ за людей, готовъ были и они умерти за Христа.

Командуючій достойникъ поднявъ мечъ! Прицѣль!

Молодцѣ стануть на колѣнки, говорячи послѣднѣ слова:

— Слава Христови, Цареви!

Стрѣлай — звучить команда.

И наколи достойникъ спустить саблю, два вѣрнѣ сердця послѣдній разъ стукнули за Христа...

о. Ник. Мондій.

|| ИЗЪ ИСТОРИИ ЦЕРКВИ ||

Исторія церковного соединенія Русиновъ.

Въ наслѣдокъ схизмы Фотія и Керуларія Церковь Христова утратила своихъ восточныхъ вѣрниковъ. Схизма, котра зъ першу одорвала одъ неѣ лише Грецію, помало розширилася и межи другими восточными народами и одлучила ихъ одъ скалы Петровоѣ. Але Христова Церковь николи не забыла, что тѣ восточнѣ христіяне колись принадлежали до неї и постоянно глядала способы присоединити ихъ до себе, чтобы сповнити Христовѣ слова: „да всѣ едино будуть“. Стараня римскихъ отцовъ стремилося природно до того, чтобы присоединили до Церкви цѣлу одорвану часть Церкви, якъ се видиме изъ соборовъ ліонского 1274 р. и флорентійского 1439 р. Но коли сес් змаганя не увѣнчалися достаточнымъ успѣхомъ, римскѣ отцы звертаються до поодинокихъ народовъ и стараються ихъ склонити до церковного соединенія. Такъ было и зъ руськимъ народомъ, который изъ меже всѣхъ народовъ першій разъ ступивъ на путь св. соединенія.

1. Унія за часовъ короля Данила. (1245).

Русины и по схизмѣ грековъ не розорвали зносинъ зъ Римомъ; они брали участъ въ перенесенію мощей св. Николая до італійского города Варъ р. 1083. и принимаютъ на сію память папою установленій праздникъ (9-го мая); доньки Ярослава Мудрого кіевскаго князя оддавалися до западныхъ римо-католическихъ князей и пр. Они лише поволи, подъ впливомъ византійскихъ священиковъ, майже незамѣтно стали схизматиками и одорвались одъ Хр. Церкви. Николи не жили они въ незгодѣ, ворогованю зъ западными братями, николи не установили на соборѣ, что одорвутся одъ Риму, николи русины не плекали таку темну ненависть противъ Риму, якою наповненѣ были Греки. Зато и для соединенія скорше указали склонными, якъ тамтѣ.

Першій крокъ для приверненя давноѣ единости зъ Римомъ здѣлали Русины подъ руськимъ княземъ галицкимъ Даниломъ, кто одъ 1235. до 1266. сидѣвъ на золотокованомъ престолѣ Галичини.

Данило володѣвъ въ Галичинѣ за тыхъ часовъ, коли татарска орда залляла цѣлу Русь и онъ самъ примушеный бывъ пойти до Сераю (нальдалекою Волгою) и поклонитися татарскому хану. Вернувшись нажадъ почавъ глядати всякъ способы, якъ бы могъ стрясти ивъ себѣ и изъ народа дикое татарское ярмо. Онъ въ своихъ молодшихъ рокахъ, перебываючи на западѣ мавъ нагоду видѣти велику силу и впливъ римскихъ отцовъ, передъ которыми всѣ володарѣ Европы поклонилися. Пославъ отже князъ Данило свого посла Петра, епископа Галицкого на І. ліонскій соборъ (1245), чтобы просивъ о помочь паны Иннокента IV. противъ татаръ. Одночасно заявивъ, что онъ зъ всѣми руськими епископами прійме соединеніе зъ каѳолическою Церковію. Для довершения сего радостного соединенія Иннокентій IV. заславъ черезъ свого делегата Опизона Данилови царскій вѣнець, чимъ бывъ Данило коронованый р. 1255. въ Дрогичинѣ на короля Руси. Симъ крокомъ руська Церковь и народъ стали членами каѳолическої церкви и вступили въ товариство западныхъ культурныхъ народовъ.

Але папа не могъ дати одповѣдноѣ помочи противъ Татаръ. Князѣ христіянскѣ были занадто занадто зъ своими справами и на возвывѣ папы майже никто не спѣшивъ помагати Данилови. И такъ Данило не маючи надѣї на подпомогу христіянскихъ державъ, покинувъ думку унії и покорився зновъ передъ татарскимъ ханомъ. И такъ сія перша проба унії, понеже она повстала не изъ религійныхъ, але изъ політичныхъ причинъ, не увѣнчалася тревалымъ успѣхомъ.

2. Русини и Флорентійска унія. (1439).

На флорентійскомъ соборѣ присутный бывъ окремъ царгородского патріарха Іосифа, Никейского архієпископа Вессаріона, ефеского епископа Марка и самого императора Іоанна VII. Паленлога митрополитъ кіевско-руській Исидоръ^{*)}) Онъ появився на соборѣ зъ згодою княза московскаго Василія II. и въ значной мѣрѣ причинився до довершения злуки зъ Римомъ и подписавъ грамоту соединенія въедно зъ присутними восточными церковными достойниками (окремъ Марка ефеського). По одконченю собора Исидоръ одзначенный бывъ титуломъ: „посла Апостольскаго Престола для Руси, Литвы и Польши“, отже всѣхъ земель, где бывали Русини.

Исидоръ вертаючися назадъ изъ Італії въ Будинѣ выдавъ посланіе до всѣхъ Русиновъ, въ котромъ заявляе свою радость, что межи восточными и западными христіянами настала згода, любовь и пережня единство. Въ большихъ мѣстахъ якъ въ Krakovѣ, въ Львовѣ одправлявъ Богослуженія восточного обряда въ римо-католицкихъ церквахъ, чтобы и симъ проуказати единство въ вѣрѣ.

Якъ Исидоръ прибывъ до Москвы, въ церкви Пр. Д. Mariї въ Кремлю зобразилася велика товпа народа, присутный бывъ царь московскій, московскѣ епископы и многъ изъ духовенства. Исидоръ одправивъ торжественное Богослуженіе, а на конци св. Литургії

^{*)} Кіевскѣ митрополиты одъ 1325. жили въ Москвѣ.

діяконъ прочитавъ изъ амбона грамоту соединенія и ухвалы флорентійского собора. Епископы учувши имена подписавшихся великихъ достойниковъ Восточноѣ Церкви и грецкого императора, не смѣли противлятися. Тогда ставъ князь и напавши на Исидора называвъ его ложнымъ пастыремъ, зрадникомъ, душегубцемъ и протестовавъ противъ церковноѣ злуки. Царь видно боявся, что черезъ признанія верховенства папы, утратить свою власть и впливъ надъ рускимъ духовенствомъ. Незадовго скликавъ царь епископовъ на нараду, на которой епископы боячися гнѣву царя, осудили поступованія Исидора и одкинули думку соединенія. Царь повелѣвъ увязнити Исидора и намѣрявъ его покарати смертю, але Исидоръ высвободився изъ вязницѣ и удався до Киева.

Въ сихъ часахъ Киевска Русь еще не была подъ властію московскихъ князовъ. Исидореви повелось туй выголосити унію и укрѣпiti еѣ. Въ семъ дѣлѣ помагали ему и катол. володарѣ Литвы и Польщѣ. Они года 1443. подали рускому духовенству тѣ самѣ права, что мало латинское духовенство. Исидоръ за якійсь часъ перебывавъ въ Кieвѣ, потомъ поѣхавъ до Риму, где бывъ именованый кардиналомъ, позднѣйше же патріярхомъ константинопольскимъ. По упадку Царгорода вернувшись назадъ до Риму, где померъ года 1463.

По его одходѣ изъ Руси, наставъ раздѣль церковный межи Русію и Москвою. Въ Москвѣ сидѣвъ несоединенный митрополитъ, а въ Кieвѣ греко-кїооликъ. Наслѣдники Исидора крѣпко держалися до унії, навѣть оденъ им. Іосифъ II. (1498—1517.) года 1509. скликавъ соборъ до Вильна, где ухвалили много розпоряженъ для поднесеня религійного и морального житя народа и духовенства. Но по смерти его подъ впливомъ московского князя достався на митрополитный престолъ Іона II., явный ворогъ соединенія, подъ которымъ унія почала упадати и потомъ постепенно зникла. (Продовж.)

ИЗЪ ЖИТЯ СВЯТЫХЪ

Заступникъ на мѣсяцъ май:

Св. и праведный Іовъ многострадальный.

(6-го мая.)

За часовъ патріяховъ, именно 1925. р. передъ Рождествомъ Христовымъ, живъ въ Арабіи мужъ въ котрѣмъ Господь Богъ хотѣвъ дати людямъ на всѣ часы якъ найкрасшій примѣръ терпеливости. Имя ему было Іовъ. Мавъ онъ сѣмъ сыновъ и три дочки, а маєтокъ его бывъ дуже великій. Изза его незвычайно великоѣ побожности и его великого милосердія для бѣдныхъ, бывъ Іовъ мужемъ великимъ и прославленымъ меже всѣми восточными народами.

Завидовавъ Іову сатана а думавъ, что Іовъ для того Господу Богу вѣрно служить, что Богъ ему все добре дае. Зато чтобы по-

каялася побожность и праведность Іова також въ нещастѣ, сказавъ Господь до сатаны:

— То все, что Іовъ має oddаю въ руки твоѣ; только на него самого не стягай руки твоєї.

А коли одного дня сыни и дочки его забавлялися въ домѣ свого первородного брата, прибѣгъ слуга до Іова и сказавъ:

— Волы орали, а ослицѣ паслися коло нихъ. И напали злодѣї на нихъ, забрали все, и челядь мечемъ поубивали; я самъ оденъ утѣкъ, чтобы тобѣ тое обвѣстити.

А коли сей еще говоривъ, прійшовъ другій слуга и каже:

— Огень Божій упавъ изъ неба и ударили на овцѣ и слуги спаливъ ихъ; я самъ оденъ успѣвъ спастися, чтобы тобѣ о томъ розказати! А коли той еще говоривъ, прійшовъ третій и сказавъ:

— Халдейцѣ въ трохъ оддѣлахъ кинулися на верблюды забрали ихъ, а слугъ поубивали мечемъ; менѣ одному удалось спастися бѣгствомъ, чтобы тебе о томъ сповѣстити! Еще сей говоривъ, а уже приходить четвертий и оповѣдає:

— Коли сыны твоѣ забавлялись въ домѣ твоего первородного сына зорвався наразъ великий вѣтеръ одѣ стороны пустыни и затрясъ четырма углами дому, который завалився и поубивавъ дѣти твоѣ: я оденъ лишився живый, чтобы тобѣ вѣсть о томъ принести!

Тогда Іовъ вставъ, роздеръ изъ великого жалю свою одежду, и упавъ на землю, однако скоро перемогъ свой жаль, молився и сказавъ:

— Господь давъ, Господь взявъ най буде имя Господне благословенно.

Видячи сатана, что Іовъ не одступає одѣ Бога и не нарѣкає на него, сказавъ до Господа:

— Доткнися только его тѣла и костей а заразъ буде тебе проклинати! Чтобы отже еще больше показалася праведность Іова, сказавъ Господь до сатаны:

— Въ твоѣ руки oddаю его, лишь сохрани житя его!

Поразивъ тогда сатана Іова гниючими болятками одѣ ногъ до голови его. Іовъ сидѣвъ на гною зъ далека одѣ людей, чтобы ихъ не заразити и черепомъ чистивъ своѣ боляки. Навѣть жена его насмѣвалася изъ него говорячи: Доки будешъ терпѣти и потѣшатися надѣю? Благослови Бога а умри. Іовъ сказавъ до неї:

— Говоришъ якъ нерозумная. Коли мы приняли добре изъ руки Бога, то чому не мали бы пріймити и злое? И не вимовивъ нѣ одного грѣшного слова.

Учувши три пріятелѣ Іова о его недоли прійшли до него, чтобы его посѣтити и потѣшити. Но не познали его, такъ бывъ страшно зогидженый, и плакали изъ жалю, бо видѣли, что терпѣння мавъ велике. А коли Іовъ отворивъ уста свої, жалуючися на жестокость слабости своеї, они новыхъ причинили ему терпѣнь. Закидали ему, что ту слабость зносить онъ певно за грѣхи свої, понеже Господь Богъ — такъ думали они нерозумнѣ — лишь на безбожныхъ болѣзни и нужду всилає. А Іовъ обороняючи мирно невинность свою сказавъ:

— Небо моимъ свѣдкомъ; доки духъ въ менѣ уста моя не выскажутъ ничего злого. Хотя бы мене Господь Богъ убивъ, не перестану въ немъ покладати надѣя. Знаю, что Одкупитель мой живе: а въ послѣдній день встану изъ землѣ и облекуся зновъ въ скору мою и въ тѣлѣ моемъ оглядати буду Бога моего.

И не звела его надѣя Богъ поднесъ его такъ само якъ и пониживъ. И невдовга вернуло здоровля и вернула честь у людей и давъ ему Богъ удвое больше маєтокъ и прїйшли братя и сестри, сусѣди и пріятелѣ и щли хлѣбъ зъ стола его. Поблагословивъ его Господь Богъ семи сынами и трьома дочками. Живъ потомъ еще въ щастю и радости 140 лѣтъ переживши всего около 248 р. и видѣвъ сины и сыны сыновъ ажъ до четвертого поколѣння и умеръ славячи Господа.

Житя св. малоѣ Терезіѣ.

Монахиня.

Хотя епископъ, та кармелитянки зъ Lissieux не дуже желали мати таку молоду монахиню, однакъ Терезка знала, что Іисусъ желає, зато молилася такъ довго, ажъ одержала дозволеня.

Якъ прїйшла запашна, та заквѣтчана весна, Терезка скончила 15 лѣтъ. Одноѣ красноѣ днины отець одпровадивъ єї до монастыря. Тамъ зъ радостію привitalи єї Павлинка, та Марина, обѣ у монашихъ рясахъ.

Монахинѣ назвали Терезку — сестрою Терезкою одъ дѣтятки Іисусъ. Они знали, что Терезка любить малого Іисуса.

Кождый день мусъла прибирати статую Іисусика, та се єї дуже тѣшило. Черезъ сколько мѣсяцовъ ходила въ пелеринѣ, въ малой намитцѣ — потому одержала грубу брунатну рясу, та бѣлу намѣтку, а позднѣйше замѣнила бѣлу намѣтку на чорну, въ якой лишилася до смерти.

А что робила?

Передовсѣмъ много молилася, кромѣ того замѣтала коритары, накрывала при столѣ, помогала въ працѣ. Часомъ мальовала образки, укладала вершки, порядковала въ сакристії, учила іншѣ монахинѣ, якъ любити Іисуса. Помагала кождой сестрѣ — поддержовала недужу на ногу, іншой упорядковала рѣчи и пр. Часомъ ишла зъ молодыми монахинями на загороду, тамъ стоявъ великий крестъ. Сестра Терезка брала цвѣты, та обкідовала ними Іисуса Христа додаючи до сего деякѣ стихи.

А якъ перебывала у своєй малой келії, то думала якъ бы се было въ домѣ Матери Божої въ Назаретѣ. Видѣла въ дусѣ малого Іисуса, якъ подчинявся Марії, та св. Іосифови. Часто клякала передъ образомъ св. родини, та звѣдала: „Ци я не смучу Тебе, Іисусе“? А дѣтятко простягало до неї рученя га, та неначе говорило: „Добре менѣ зъ тобою — дуже тебе люблю“.

А Терезка кляла:

Моимъ желанісмъ с, Тебе любити
У семъ, та томъ жити
Кидати Тобъ до стонъ цвѣты,
Отсе щастя, радость менъ.

Справдѣ незадовго пошла до того, кого такъ любила. Почала кашляти, достала гектику. Зъ початку ходила, молилася зъ прочими, пле потомъ лягла.

Лежала сама, неразъ душилася, все ей болѣло, але не нарѣкала, не стогнала, лишь усмѣхалася до сестеръ, та за все чѣмно дякова.

Ци дуже страдаешь? звѣдали монахинѣ. — Дуже, але Іисусъ Христосъ страдавъ больше. Радуюся, бо невдовго оглядати буду Марію, та Господа.

Ци думати будешъ про нась въ томъ красномъ небѣ?

— О такъ, молитися буду про всѣхъ людей, зошлю на землю изъ рожъ дождь — я хочу въ небѣ дѣлать много добра на землѣ. — На землѣ, я все слухала Іисуса — въ небѣ Іисусъ выслушає мої прошеня.

Въ октобрѣ 1897 року, якъ жовте листя сумно спадає на холодну землю, прїйшла Мати Божа, чтобы зорвати свою квѣтку.

Сестра Терезка позирала въ небо — еї лице прояснилося — прошептала: „Боже, якъ я Тебе люблю... схилила голову, та умерла.

Небо одчинилося на принятia малої святої — Ангель Хранитель завюовъ еї передъ престолъ Всевишнього, а Мати Божа та Дѣтятко Іисусъ вложили на еї голову вѣнецъ славы.

Ангелскѣ хоры спѣвали, якъ при уродженію: Слава, слава, слава...

(Продовженя.)

Мѣсячное намѣреніе на мѣсяць Май.

Великое есть достоинство Пр. Дѣви Марії; она заслугує на то, чтобы мы туй на земли еї щиро любили, еї славили и еї про заступство у Бога просили. Бо она была:

а) Матерію Іисуса, нашего Спасителя. Кто бы перечивъ, что се е дѣйстно великое достоинство?! Быти Матерію Бога по плоти. Лише закаменѣлое сердце субботниковъ и баптистовъ може въ особѣ Пр. Дѣви Марії видѣти просту туземну жону.

б) Она была зачата непорочно, то есть безъ первородного грѣха. Доки мы люде всѣ народимеся на сей свѣтъ зъ грѣхомъ Адама и Евы и безъ благодати освящаючої, доти Пр. Д. Марія народилася зъ благодатію освящаючою и безъ первородного грѣха. Зато и ангель Гавріиль при еї благовѣщеню сказавъ: „Радуйся благодатна! Господь съ токою...“

в) Церковь Христова учить, что Пр. Д. Марія въ царствѣ небесномъ с поставлена надъ всѣми хорами ангелскими, бо она е



Пренепорочна Дѣво Marie,
Цвѣтов Царице, ясна Лелѣ;
Мы Тобѣ, Мати, цвѣты приносим,
Мы Твоѣ дѣты, всѣ Тебе просим:
Зглянься над нами, о Всеблагая,
Царице мая, Marie.

C. C.
**ВЕЧЕРНЯ
ПѢСНЬ**

*Съдае солнце поза горою —
Настае вечеръ — поле темнѣе;
Мала птичина спъвае въ гаю:
„Радуйся Чиста Дѣво Marie!“*

*Синьое небо вкрылось звѣздами
И кажда звѣзда огнемъ яснѣе
И якбы пѣсню спъвала зтиха:
„Радуйся Чиста Дѣво Marie!“*

*Роса тепленъка зъ неба спадае,
Малъ цвѣточки зъ пороху мые,
Тихо шепоче, якбы спъвае:
„Радуйся Чиста Дѣво Marie!“*

*Вѣтрець легенький понадъ лугами
Тепленъко, тихо, спокойно вье
Солодко глає вечернюю пѣсню:
„Радуйся Чиста Дѣво Marie!“*

„честнѣйшая Херувимъ и славнѣйшая беъ сравненія Серафимъ“. Зато она можи всѣми святыми и ангелами лѣпше мас быти почитана.

и) Она с таکожъ и нашою заступницею; она е: „всѣхъ скорбѧщихъ радостк, очидимкіхъ застѣшица, страшнихъ оутѣшенїе, немощныхъ покровъ и прикѣжище... застѣшица всѣхъ христіанъ и прикѣжище“.

Кого самъ Богъ небесный такъ почестовавъ, кого Іисусъ Христосъ такъ любивъ и Церковь Христова такъ величае, ци не маеме и мы туй на земли любити, честовати и на нашу помочь призывати?!

Молѣмся отже черезъ цѣлый мѣсяцъ, чтобы почитаніе Пр. Дѣвы Маріи розширилося на цѣломъ свѣтѣ.

ДОПИСИ

Въ яку бѣду зайшли люде въ селѣ: Руськое?

Схизматицкъ батюхи въ Руськомъ нарадили несвѣдомый народъ на всяку бѣду.

А то привели ихъ къ тому, чтобы взяли греко-каѳолическій маетокъ церковный и церковь насилиемъ, хотя они дуже добре знали, что за то буде народъ у бѣдѣ. Такъ ся и стало. Судъ присудивъ уже много разъ, что мають схизматики выплатити вшитки судовъ розходы и за маетокъ, что хосновали, котра сума е доста висока, а то така, что волося другомъ стае, коли собѣ пригадають.

Найновѣйше батюхъ нарадивъ людей правити монастырь. Но люде не мали грошей на то, а онъ казавъ, что и не треба гроши, лише подпісатися, кто сколько грошей дастъ, а выплатити може до 10—20 роковъ. Лише чтобы держава видѣла, что имъ треба церковь и потому дастъ половину субвенціѣ на то. Народъ не видячи его думку, пообѣцявъ доста велику суму грошей, мала часть зъ охоты, а больша часть зъ тымъ, что прійшовъ самъ до хижи, або стрѣтивъ на улицы и таکъ межи людьми поганьбивъ чоловѣка, что зъ стыду кождый пообѣцявъ доста велику суму грошей: 4.000, 5.000, ажъ до 10.000 коронъ, хотя въ домовствѣ не мавъ и на соль короны. Думаюти собѣ, что якъ казавъ, тото выплатити до 10—20 роковъ ачай выплатить, якъ мае таку ганьбу приняти.

Однакъ сталося оно инакше. Якъ церковь зачали правити, та весь матеріяль брали на кредитъ, якъ прійшло платити, а грошей не было (и народъ не могъ дати то, что пообѣцявъ), зато „батюшка“ намовивъ людей, чтобы подписалися на грошъ.

Теперь бѣднѣ люде черезъ нужду, лишили дома жоны, дѣти, а сами пойшли въ свѣтъ заробити грошей, чтобы могли выплатити довгъ. До сякоѣ бѣды привювъ „батюхъ“ цѣлое село. А теперъ его жона батюшканя умерла, а онъ иде до Праги, та не знати, что тамъ буде робити, лише батюховати уже въ Руськомъ больше не буде.

И на послѣдь прійшло ему до головы, чтобы свою жону зъ кладбища (зъ гробу) выняти и закопати єъ въ монастыри и то подъ олтарь; въ селѣ Руськое суть люде, котрѣ лише черезъ насилие схизматиковъ суть схизматиками и съ не дозволяють то зробити. Однакъ то буде проведено, бо цѣлое село каже, что най зробить такъ, якъ хоче, бо онъ е „святымъ“.

Сякъ заслѣпивъ очи народови. Твердить, что жонамъ ніякъ не свободно ходити до олтаря и ніяку жону до олтаря не пускае, а свою тамъ хоче закопати.

Сами посудить, ци не губить народъ.

Православный, а не схизматикъ.

НОВОСТИ

Посвященіе обновленого храма въ Дравцяхъ. Третого дня на Великденъ Преосв. еп. Петръ, посвятивъ обновленый храмъ въ Дравцяхъ. Торжество одбылося дуже святочно. Больше якъ 50 членова бандерія прійшла ажъ до епископскоѣ палаты, где привѣтствовавъ Преосв. Владыку Михаилъ Небесникъ и обявши его зъ усѣхъ сторонъ, якъ правдивого отца и паstryя любви, попровадили до Дравець. По святочномъ привитаню о. Пайкошія, о. Когутича окр. намѣстника и Ивана Коника старосты полною асистенцією Преосвященій зайшовъ до церкви и началося посвященіе и Литургія.

По Литургіѣ бывъ обходъ зъ Найсв. Євхаристію, что несъ самъ епископъ. Народъ не позираючи на болото, въ святочныхъ убраняхъ падавъ на колѣна передъ Христомъ, Царемъ царей и знова розливалися спѣви вдячности до дорогого Іисуса, кто зъ безконечної любви до насъ лишивъ вѣчно свое святое тѣло и кровь, для нашего спасенія. Преосв. Владыка въ проповѣди выскажавъ слова горячої любви и радости до вѣрниковъ за се все, что они доказали дѣлами. Бо и великое дѣло зробили дравецкѣ вѣрники. Цѣлу церковь дали прекрасно вымальовати и окрасити образами. Престолъ якъ найкрасшій дали зробити не жалуючи ни трудовъ, ани жертвъ, бо добре знаютъ, что тамъ буде самъ Христосъ перебывати. Не менше красный новый иконостасъ. Потомъ поставили два бочнѣ престолы а оденъ зъ нихъ Сердцю Іисуса. Стѣны храма прикрасили 14-ма образами Христовыхъ страстей. Та и сего еще не было доста, бо вѣрники купили одну дарооказательницу за 7.500 коронъ, чтобы у томъ дорожомъ мѣстѣ обороняти и умоляти Найсв. Євхаристію. Слава и честь дравецкимъ вѣрникамъ за съ труды и най имъ Богъ сторицею заплатить. Въ конци зъ радостнымъ сердцемъ гратулую ревному працовнику Христового винограда Стеф. Пайкошіеви, за его великъ труды и буду молитися, чтобы Г. Богъ пославъ намъ якъ наибольше такихъ речныхъ священиковъ.

Присутній.

Приеднуйте новыхъ предплатниковъ!

**Серафимъ Якъ дочупаеме, на-
шъ схияматики достали нового
епископа въ особѣ сербскаго
Серафима. Сей е уже девятый
епископъ, кто попробує запро-
видити миръ и порядокъ межи
схизматиками. Але ци удастся
сму? Думаеме, что якъ поди-
виться на товпу неграмотныхъ
и некультурныхъ батюшокъ,
одойде его дяка одъ всякого
спископования и пойде назадъ,**

зводки пришовъ. А бѣдныи, зба-
ламученый народъ зновъ удосто-
вѣриться, что онъ е лише жерт-
вою высшої политики и за всю
забаву онъ мае горько запла-
тити. Схизматикамъ не помо-
жуть ніякъ Серафимы, лише од-
но, признати, что заблудили и
вернутися въ лоно христ. каѳол.
Церкви, зводки такъ легкомы-
сленно выступили.

Короткъ вѣсти.

Въ Канадѣ епископъ заборонае читати вѣрникамъ газету „Стро-
рожа“ котра нападала на вѣру и церковь. И у насъ суть газеты,
котрѣ бы заслужили на подобный заказъ. — Апост. престоль положивъ на листу забороненыхъ книгъ драм. творы Д'Аннуэя немо-
рального поета италійскаго и заказавъ брати участъ на ихъ представ-
леню. — Папа Римскій розвязавъ Товариство „Пріятель Израила“, что
мало на цѣли навертаня жидовъ. — Въ Булгаріи запровадили выучо-
ваня религіѣ въ школѣ, якъ повиннаго предмета. — Въ Римѣ зало-
жили „колегію Руську“ въ которой выхованѣ будуть богословы гр.
кат. — Въ Будапештѣ заложили жиды товариство, которое признае
Христа за Мессію; число членовъ до теперь 400. — Въ Италіи
выйшовъ законъ, на основѣ котрого тѣ родичѣ, якъ мають больше
якъ 7 дѣтей, освобожденѣ суть одъ всякої данины. — Въ Волинѣ
переступило одъ револуціѣ 60.000 схизматиковъ на гр. кат. вѣру.

оо ПЕРЕПИСКА РЕДАКЦІЇ оо

К. К. Латурка. Честь вашимъ честнымъ вѣрникамъ, что въ такомъ вели-
комъ числѣ (14) замовили Благовѣстникъ. Где нашу газету вѣрники радо читаютъ,
тамъ не треба ся бояти Христовыхъ вороговъ. Благожелаеме вамъ и вашимъ вѣр-
никамъ.

Драгово. Доручили намъ листъ, якогось субботника, або баптиста изъ Вел.
Бочкова, въ которомъ грубо нападае на Пр. Дѣву Марию и на наше доховенство.
Листъ заслали мы до Мукачова, где той вѣроломникъ учився и правдоподобно
знаютъ его.



ОДЪ АДМИНИСТРАЦІИ



Жертва на фондъ „Благовѣстника“: Высокопреподобный о. Емануиль
Бигарій каноникъ изъ Пряшева 10 Кч.; п. Михаилъ Рудловчакъ изъ Канады
150 Кч. Щедрымъ жертвователямъ, котрѣ порозумѣли дѣло, яке провадить „Благо-
вѣстникъ“ и его тяжкое материальное положеніе, щиро дякуе администрація „Благо-
вѣстника“.

За благословенiemъ Епархіяльного Правительства Мукачевскаго.

Выда́ви́цтво Чина св. Васи́лія Великого въ Ужгородѣ

пору́чае слѣ́дуючѣ книжки:

Полный Требникъ (печатаный въ Жовквѣ). Обнимаетъ 899 стор.

Находятся въ немъ всѣ четыри части: I. Таинства, II. Освященія, III. Благословенія, IV. Моленія на всяку потребу. Двойный друкъ: червень и червень. Форматъ дуже дого́дный. Ясный переглядъ, буквы читкѣ, выразнѣ. Оправленій въ полотно 130 Кч, въ кожу 150 Кч, почтовое (поруч.) 5 Кч.

Служба праздниковъ Глаждайшаго Г. нашего Іисуса Христы-Царя стор. 16. Брошюрована стоитъ 5 Кч, съ почтовою засылкою 5 Кч 60 г.

Служба Священническемъ Сердца Іисуса сторонъ 20.

Брошюрована стоитъ 13 Кч, съ почтовою засылкою 13 Кч 60 г.

Оутреня и Кечерна ч. I. Содержаніе: Служба всѣхъ праздниковъ подвижныхъ; Служба Октоиха въ недѣлю; Служба обща Святыхъ; Евангелія воскресніи и Стихиры Евангельски; Пѣснь умильтельна; Пасхалія и Мѣсяцословъ. — Книжка переплетена въ полотно.

Стоитъ 50 Кч, въ лѣпшой оправѣ 60 Кч, зъ почтою 64 Кч.

Оутреня и Кечерна ч. II. Содержаніе: Служба всѣхъ праздниковъ неподвижныхъ съ Пред- и Попразднествами въ недѣлю; Служба Октоиха въ недѣлю; Евангелія воскр., и Стихиры Еванг. Пѣснь умильтельна; Пасхалія и Мѣсяцословъ. Книжка переплетена въ полотно.

Стоитъ 60 Кч, въ лѣпшой оправѣ 70 Кч, зъ почтою 74 Кч.

Чинъ Тайнъ Крещенія и Миропомазанія. Цѣна 5, зъ почт. 5·60 Кч.

Чинъ Тайнъ Свѣржестка. Стоитъ 5 Кч, зъ почт. засыл. 5·60 Кч.

Чинъ Тайнъ Елеопомазанія. Стоитъ 5 Кч, зъ почтою 5·40 Кч.

Чинъ Парастиса и погребенія мірскихъ человѣкъ. Ц. 10 зъ п. 10·80 Кч.

„Часослобъ“ (Ерейскій молитвословъ) перепл. въ полотно 50 Кч, перепл. въ кожу съ золоч. обрѣзомъ 80 Кч, почтовое (поруч.) 5 Кч.

Ісалгиръ (безъ величаній). Ст. 296. въ полотн. оправѣ. Ц. 22, зъ почт. 23 Кч.

„Академістникъ“. Стоитъ 27 Кч., зъ почтою Кч. 28·30.

У Стіп Учителя мѣстить 204 читань для священниковъ, стор. 380.

Стоитъ 20 Кч, съ почтовою засылкою 21 Кч 20 г.

Кровава Незабудька або Хресна дорога Спасителя мѣстить читаня и молитвы о Страстяхъ Христовыхъ. Стоитъ 6·50 Кч, зъ почтою 7·30 Кч.

Церковні Пісни (зъ нотами), мѣстить 301 пѣсень. Ц. 22 зъ почт. 23·20 Кч.

Катехизмъ Шираго ч. I., II. и III. Въ I. части широко выложена наука св. каѳ. вѣры, въ II. говориться про науку обычаяевъ, а въ III. выложена наука про Средства ласки. Книжки брошюрованы, когда окремо. Цѣна их така:

Ч. I. и II. стоять по 25 Кч, съ почт. по 28 Кч. Ч. III. 22 Кч, съ почт. 24·50 Кч.

Хвалите Господу. Молитвеничокъ для интелигенцій, печатаный фонетикою на 2 фарбы, маленького формату 6×10. Цѣна 13, зъ почт. 13·50 Кч.

Коляди (зъ нотами). Содержить 80 колядъ. Цѣна 14, зъ почт. 14·80 Кч.

Коляди (безъ нотъ). Содержить 52 колядъ. Цѣна 3·60, зъ почт. 4 Кч.

Через мечі до житя. Повѣсть. Цѣна 15.— Кч, зъ почтою 16·20 Кч.

Проповіди на Великій пост. Цѣна 6.— Кч, зъ почтою 6·50 Кч.

Біблія Старого Завіта ч. I. и II. (двѣ книжки). Цѣна одної книжки 20 Кч, зъ почтою 23 Кч.

Божественій Спаситель. Нарисъ житя Іисуса Христа въ народ. мовѣ.

Цѣна 25 Кч, зъ почтою 28 Кч.

Житя св. свящмч. Іосафа архієп. Полоцкого. (309 сторонъ)

Стоитъ 10.— Кч, зъ почтовою засылкою 10·80 Кч.

Видавництво Чина св. Василія Великого въ Ужгородѣ

поручаетъ слѣдующія книжки своего изданія:

,Слово про св. Церковь Христову“. Брошурка, сторонъ 20.

**Содеряне: 1. Колько есть Церквей Христовыхъ, 2. Котра есть
правдива Христова Церковь? 3. Почему упознати, ци налжитъ дакто до-
правдивоъ Церкви Христовоъ. — Опроверженіе закидовъ.**

Щъна одного прымѣрника 1 Кч вже зъ почтою.

Роздумай то доброе. На русъкій языкъ переклавъ о. В. Желтвай.
Издание I. Содержитъ науки о цѣли человѣка, о грѣхъ, о смерти,
о судѣ, о пеклѣ, о чистилищи, о небѣ и о сповѣди. Стор. 160.

Брошурата стоить 5 Кч, съ почтовою засылкою 5 Кч 60 гел.

Образцъ (печатанъ одною краскою): Пресв. Сердце Іисуса, Іисусъ добрый Пастырь, Положеніе до гробу Іисуса Христа, Іисусъ несе крестъ, Распятіе І. Хр., Тайна Вечера, Матерь Божая Непорочно зачата, св. Ангель Хоронитель, св. Іосифъ, св. Василій, св. Іосафатъ, св. Кирилъ и Меѳодій, св. Анна, св. Агнета, св. Іоаннъ на персехъ Іисуса Христа. (Образцъ безъ молитовъ на оборотѣ). 100 дара́бовъ стоять 6 Кч, съ поштою 6'50 Кч.

О́мовінїє къ пресвятй Евхаристїи (спликація съ нотами).

Стоить 50 гел., зъ почтовою засылкою 70 гел.

Образецъ Матери Божиѣ Мужачевскѣ съ пѣснею на оборотѣ.

Щівна одного прим'рника 40 ғсл.

**Отпустовъ молитвы. Сеся книжочка содержить: Короткое ино-
ученіе о отпustaхъ и дасколько молитовъ надъленыхъ отпустами.**

Стор. 16. — Цѣна 50 гел., а съ почтовою засылкою 70 гел.

Протиалько голячнъ брошурки: 1. „Пякицямъ на закуску“, 2. „Погарчикъ для тверезыхъ“, 3. „На здоровля“. Цѣна 3 брошуръ 1·20 Кч, зъ почт. 1·60 Кч.

**„Фрицъ Заливайко“. Ся книжечка написана стихомъ и описуе
животъ пяници одъ рождества ажъ до смерти. Книжочка при-
крашена 19 образками нашого славного подкарпаторуського ма-
ляря проф. О. Бокшая. Стоить зъ почтою Кч. 1·40.**

Маємо також на складі Книги до записування інтенцій Службъ Божихъ.
(200 стор. оправленыхъ) по 25 Кч за примѣрникъ

Засылаешь лемъ за готовъ гропъ або за послѣплатою (dobirkа)

Листы и гроши треба засылати на адресу:

ВъЛАЗНІЧЕГО ЧИНА СВ. ВАСИЛІЯ ВЕЛИКОГО, УЖГОРОДЪ.

Раковици чланица число 54.

Листы изъ заграницы треба адресовати такъ:

Vydavničtvό Čyna sv. Vasilija Velikoho, Užhorod,

Rakocího ulica č. 54, Podkarpatská Rus, ČSR. — Evropa.